

重刻來瞿唐先生日錄

重刻來瞿唐先生日錄

釜山日錄

釜山在縣西二十里沙河其山如釜故以釜名之
先生有一祖相傳來曾作宋龍圖閣學士不知何
時移居湖廣麻城遂世爲麻城人元兵亂入蜀避
兵乃居梁山之康村正統後移居釜山釜山乃先
生所生之地故以釜山名稿云

後學王廷章識

釜山稿目錄

客問

雜述

清溪莊

道言

登小筆山

七言律

輓隆孔崖

七言律

用龜山此日不再得韻示周生子榮

道言

釜山雜詠

絕句七首道言

了心歌

道言

曾岐山自岑公遠訪予於釜山于其歸也贈別以

詩二首

寄飛練
五言律

醉
道言

盧行所見在別之以詩
七言律

盧行所還便寄王次宇
七言律

董願庵推府見在金山書堂
四首七言律

逼逼歌四章爲哀楊作吾賦
歌

菊
絕句三首

重過天生橋
二首七言律

寄雷劒東蒙自明府

四首五言律

寄贈董麟山徵君

四首五言律

許象洲元戎于梁山曾許仙茅久不見惠詩以速

之

七言律

廖對峰以談館至梁山踰年而露化其子齊泣至
山堂照骨之貧余愧不能大助也詩以哀之

寄贈朱最峰少府

二首五言律

壽郭夢菊太府

四言七言律

禽言

四首道言

秋風辭 三首辭

與太空禪僧 二首道

番龍對 歌

荅贈董麟山徵君 四首五言律

種竹 絕句道言

送董願庵廼叔還滇 七言律

荅王晴川 七言律

馮溪子 道言

雜興 道言

溪上春興

十四首五言律

贈小溪

七言律

杪秋有懷郭菊太府

十二首五言律

寄傅志宇

七言律

寄胡麗吾

七言律

登彼篇

道言

贈別唐漢田

七言律

向雪亭見訪

七言律

不不歌

道言

雜興

道言

欲遊岱岳孔林先寄楊作吾

七言律

林明府以外艱還秣歸別之以詩

絕句四首

金山堂成憶昔篇一百韻呈莊明府

五言排律

與朱雲石

長短句

荅雲石天人篇之作

五言律

福利道人

道言

春風辭

二首辭

黃令長在山堂謝之以詩

二首七言律

江邊送劉還溪歌

壽黃石崗長短句

招張仙歌三首歌

看水篇道言

寄劉洞衡五言律

秋夕五言律

寄楊印峰七言律

康村五言律

寄林子二首五言律

白堈道中遙寄楊雙泉

七言律

笑吟

四首道言

蒼楊郡博

二首五言律

題贈東明禪師

二首七言律

寄朱懷陽兼問慎所

二首五言律

寄石峰

七言律

雜言

道言

輓馮孔嵯

七言律

答郭夢菊督學

選

送王我齋 七言律

龜雖壽 樂府

送古見吾 長短句

有客 七言律

憶昔歌送楊大理還滇兼酬見懷 歌

蒼谷歌 歌

釜山堂成 五言律

荅胡惠庵憲副 三首 七言律
梅花 道言

遶五岳還曹荔溪以詩見問用韻奉荅 七言律

重刻來瞿唐先生日錄

客問

僕以先父病末疾母目疾侍養不仕友人致書
多疑之作此代荅雖文其辭然實有是問非客
難賓戲之假設也

瞿唐來子於釜山書堂客有過而問之者曰某聞子
久矣聞子冠道德履仁義衣百家佩六藝知子已棲
君子之林矣衆人慕之某竊爲子不取也吾聞鳥能
鳴陽葵知傾日物且如此況于人乎是以哲士乘時

卷之八
達人駭世方今

皇猷丕赫王表輝昭羣衿獻韋諸父園橋采蕙蒞而
兼蓄乎蕭艾選于將而不遺乎鉛刀非愷怱而抱瑟
豈濟渡而無舫苟可以存心于利物奚必于執璧而
垂貂子廼懸車城市擊壤衡臯騰狗飛于鸞漢羗繼
迹于鸚蒿洵拗鯨而戢翼必滯惠而屯膏枚雕龍而
削草快荼薺于碑碑吾將冀子今參軌伊呂胡知今
子今駕言許巢來子曰子以我爲隱矣夫隱者必有
所爲今生值明時以不見用爲耻吾不爲也客曰人

之酬世非處則出榮春者蘭華秋者菊我知子之心
矣方其采秀雲莊燔枯霧築刻羽引商吹金鼓玉高
價蜺巔必聲蟬谷狎花鳥傲墳素恣遠引于青岑非
纓情于朱轂豈知闇者斯章微之必著乃若巖廊訪
丕荃宰羅奇旭日駕夫乾鵠條風轉于枯莢書將鶴
載旌以鸞持束帛投園結軫填茨慶吾道之大行感
人世之我知子廼整筋揮翮仰首伸眉披菽岫出峯
達盼鵠衢而揚袂排鳳闕以諭思知子有南山之徑
慮子有北山之移來子喟而笑曰非徑也是迂也夫

欲仕無路者故以山爲路耳予濫科名仕則仕矣不求可期之榮于見在而徼未必之寵于方來歲踏齒戟謂之何哉駭亦絕矣吾不爲也客曰子知夫古人乎漆園之放叔夜之簡王衍之談阮藉之懶酖竹林嘯山陬稅冠履解襟袖幕天席地操觚挈醖爾其齊舜豕比周猿逢糟荷鍾遇麴生涎俗士稱爲六逸詩人名爲八仙坐俟夫九疇之數敘罔顧乎兩曜之虧圓恭敬消于唇吻名節剝于譚誕子之不仕復不沾于世者意者其在此乎來子曰此自放而忘世者也

予欲救世吾不爲也客曰若有人焉遺情棄世絕圻
脫屣紫藉通名青冥輕舉爾其垂琳綬佩珵玦驂藤
六驅列缺調世外之玄靈彈壺中之白雪青鳥縈音
紅鸞擊節已而明月初升雲璈方歇貼桑海之幾遷
回歲序于一瞥悲荒丘愔古血乃若芝宮藐岬桂館
龍驤吹冰成醴叱石飛漿真妃摻饋姮女救醵招王
喬以容與拉蕭史以相羊旣沉湎以言別指流水以
成章歌曰流水今東注美人今何處回首今三素浮
世今朝暮乃若陰慈雲滅甘露謝四流弘六度秘授

禁苑之旨、洞開葱嶺之路、爾其不生作圃、無象爲家、
天地蘧廬、形體蟲蝦、見理卽障、篤學愈差、乃吼桐峰
之虎、垂長慶之蛇、種雲門之樹、澆南泉之花、點洛浦
之金、衣洞山之麻、烹明昭之鉚、飲趙州之茶、早聞者
難登彼岸、割辭者未窺津涯、彼傾海入毛、不撓魚鮪、
若施藤倚樹、必寐室窠、子之勃窣、不出戶廷、不面官
長、孜孜而惟日不足者、必居于此矣、來子曰、子愈言
而愈遠矣、此方外之術、出于名教之外者也、世皆若
此、三綱絕矣、吾不爲也、客曰、世真不知子矣、遂避席

而起拂衣而去。來子曰：居吾語。啗女夫大德者不官。中立者戒倚。是以君子無終食_言廷仁。大人以萬物爲體。不怵怵于必行。不硜硜于必止。蓋藻浴存乎吾身。顯晦安于所遇。立德之基有常。樹功之途不一。苟入而可以事吾親。今則啜菽承歡。句出而可以事吾君。今則捐軀弗計。見輪出圓。因楠施直。遭坎則停。乘流斯逝。大行今何所欣。窮居今何所戚。故移忠于家。則敬同移孝于國。則愛同使人。皆以不仕爲是。今則龍逢非孝。使人皆以仕爲是。今則曾參非忠。彙征者何以

誦其駿業、嘉遜者何以高其清風、蓋駿業者扶顛持危、有匡世之績、清風者起頑立懦、有垂世之功、是皆有裨于國家之教化者也、可見事無定體、惟義是適、行無定轍、惟道是崇、故可以仕、亦可以止、仕止之間存乎脩己、子謂子夏不云乎、無爲小人、女爲君子、若爲小人何取、青紫若爲君子出亦可矣、處亦可矣、末學興而功利熾、此言不聞于人之耳也久矣、吾將尋孔顏之所樂、析繭絲于此理、愧榛桔之無成、空劬勉而不已、苟友于可以爲政、空言足以善俗、則塵霧之

微忱或可以爲山海之小補也。獨非鳴陽向日之心
乎。子何過疑至此。客曰：我過矣。我過矣。而今而肩始
知江湖廊廟原爲一體。明道行道皆將淑人。我過矣。
我過矣。來子援筆作客問。

聖刻來瞿唐先生日錄

釜山稿

清溪莊

多半楓林人家少。千峰萬峰葱窈窕。一羣嬌鳥啄雲
嶠。仰面石泉懸樹杪。落花朝暮送柴扉。掃斷依然撲
客衣。華陽道士胡不歸。菖蒲節老蕨芽肥。

登小筆山

翠閣珠林侵碧霄。危闌四面俯山椒。天空峭石排玄
筓。日晚殘霞駐赤標。海外誰人驂鳳鶴。寰中何物喚
瓊瑤。江湖一望無窮思。惟寫鶯花荅治朝。

輓隆孔涯

岑公江下曾呼酒，龍脊州中共放船。一日豈知竟千古，
青年誰料到黃泉。遼陽鶴去雲連海，古木烏啼月滿天。
幸有三槐依舊綠，夜臺何必恨長眠。

用楊龜山此日不再得韻示周生子榮

我曾觀東海，吐納接扶桑。我曾登泰山，五觀摩青蒼。
中有萬世師，日月麗重光。道統在天地，循環如陰陽。
繼之鄒氏子，授我入道方。學問求放心，仁義析毫芒。
鄒魯旣已喪，立言有否臧。而胡末學興，役役翻自戕。

不求道于心，却求糟與糠，大本已乖矣。安得問行藏，遂俾鄒與魯，千載擅孤芳。豈無豪俊出，立志苦不剛。十步九回頭，踟躕而徬徨。豈知在弘毅，任重道且長。况道本率性，行之如康莊。卑者爲利祿，閉門課文章。高則講空寂，名爲選佛場。二者雖有差，均之牧牛羊。我佩鄒氏言，朝夕不忍忘。勿忘勿助間，勉勉長自彊。誰謂東海深，渡之止一航。誰謂泰山高，登之比尋常。高深雖踔絕，操舍卽存亡。百川與丘陵，不學良可傷。有志山海者，莫謂斯言狂。

金山雜詠

清風草閣三竿竹。明月山泉一曲琴。惟有梅花知此意。冷香入夢到而今。

繞宅蒼蘚惟鳥迹。隔溪煙霧似人家。淒清莫是仙源近。一線冰泉萬片花。

顏回巷裏難旋馬。原憲門前長野蒿。剩有春風長富貴。杏花酒水日滔滔。

明明皎日高松下。淡淡輕風密竹前。石上許多華胥夢。一聲啼鳥喚人眠。

生子何須論化鶴。閨年不獨有黃楊。棹歌夜訪山陰雪。與盡歸來也不妨。

今人逢窮卽名鬼。誰又將錢論作神。豈識鬼神卽晝夜。月纔屈處日旋伸。

喜成却恐敗。將至憂失還從得。裏生一笑攬來通。嚼爛清風明月送將迎。

了心歌

我曾與洪唯子。浮丘翁。揖金母。拜木公。木桃碧藕丹。殊紅。以麤爲輪雷爲輿。上下二儀遍九嶠。龍竹蛟絲。

歸碧落。金宮銀闕高龍嵒。蒼梧朝設鳳冠栗。夜來還
入扶桑窟。元鈞曲罷舞回鸞。五音時聽琅玕樹。放情
凌霄無定期。蕙風十二紅玻璃。春羅剪字知多少。羣
仙博戲無昏早。詎知誤輸五色龍。謫向人間餌芝草。
餌之今已三十三。雞碑鼠獄只空談。征裘誤夢邯鄲
道。長途短髮風飈飈。我壽倘有一百歲。前途止有六
十七。回視夙齡只一時。西崕東汜鳥丸疾。假令不得
到期頤。七十八十未可知。此生枉過不聞道。擊鍾烹
鼎欲何爲。叢桂幽蘭多縹緲。松風蘿月溪山小。苦被

白雲一片留瞿唐。道人心中已了。有時並了亦兩忘。傷
花隨柳信周行。太山巖巖海汪汪。沫泗真源派許長。
蘭橈桂檣駕一航。排闥闔登宮牆。大呼尼父坐明堂。
鳴球佩玉共趨蹌。回琴點瑟繞鏗鏘。

曾岐山自岑公遠訪予于金山于其歸也贈別

以詩二首

白屋參差碧樹齊。金山虛擬近丹梯。菊花見客爭離
發。杜若乘風拂岍低。詩賦誰人驅鮑謝。煙霞吾道覺
醯雞。憐渠百里能相訪。水滿蒹葭月滿溪。

處處春風拆柳枝，柴門偶過興猶奇。
江湖不博幽人樂，信義多應長者知。
雨久蟠龍秋意早，雲連鐵鳳雁書遲。
旣思暫到仍長往，莫遣深情惜淺卮。

寄飛練

撥斷綠絳絃，長年枕麴眠。
鼓盆莊子老，荷鍾伯倫賢。
苦海誰能脫，窮坑豈易填。
莫將窮苦事，掛碍不成仙。

醉

驥裏笑欵段，欵段笑腰裏。
人生天地間，走獸與飛鳥。
務光讓天下，天下卽爲草。
傖夫競寸畦，寸畦卽爲寶。

誰人住市井市井皆蓬島誰人尚髻髮髻髮先醜老
青較于藍深人豈勝天巧爲爾得醅醕因之謝昏曉
盧行所見在別之以詩

朝朝莫莫對枯桐山北山南長桂叢兩地久懸千里
隔三春何幸一尊同已留徐孺開塵榻更共盧敖笑
壤蟲倏爾相逢仍惜別差池燕紫野桃紅

盧行所還便寄王次宇

十年踪跡泛虛舟幾度蒹葭咏破秋偶晤盧仝聊煮
茗翻思王粲欲登樓桃花着雨紅顏改柳絮乘風白

練收不覺題詩成一笑半池春水半池鷗

董願庵推府見杜金山書堂

四首

雨裏榴花午影長。偶然旌節下茅堂。閒雲繞戶枯桐潤。密竹沿溪晚簟涼。斗酒幾時嗟咫尺。功名今日見龔黃。不辭醕酎留空谷。秉燭何妨夜未央。

青山一臥門長閉。紅日三竿酒未蘇。採藥慣看黃獨久。誰人偶到白雲孤。籬邊客飲花頻笑。醉後歌繁鳥亦呼。猿鶴不須猜從蓋。林巒自此卽方壺。

五馬雙雙度野橋。清風拂拂暑全消。那知報政餘三

月始得論文在一朝。我道百年惟白石。君行萬里自
青霄。卽看臥聽甘棠月。來穗桑枝滿耳謠。

一曲清江帶白沙。沙邊蘆荻傷吾家。松間時下聽琴
鳥。壁上長留篆字螭。不有陳蕃能下榻。誰知顏閔飽
餐霞。莫愁信宿無供給。獨木橋頭繫鰣槎。
槎注漢水鰣甚美以槎斷水取之
坡詩誓將歸釣漢江

通通歌四章爲哀楊作吾賦

通通通。井瓶一落無消息。流水高山半調絃。四十年
前爲爾識。嗚呼一歌兮。歌聲孤。滿林松月爲誰鋪。

子賤琴聲成雅弄土元驥足人難鞚陶令方脩松菊
盟鄭玄忽入龍蛇夢季真夙昔擅風流莊生今日饒
齋送嗚呼再歌兮歌聲長仰天四望天蒼蒼

有母有母風中燭有妾有妾子遺腹夜臺鄉思回飛
轂天昏地黑楓嵐毒乘風逐霧落梁屋饑鴟啄雪鳩
婦哭嗚呼三歌兮歌轉哀一泓痛血濕蒼苔

爾庭有樹變紫荊爾園有鳥化鵲鴒曹蜍知未死此
責爲誰明流雲兮木杪落日兮荒草我與爾言今傾
懷抱爾長眠今不曉

菊三首

歲晚華初。秋英落更遲。回看潘岳圃。寒蟻上枯枝。

其二

陶令齋詩到。王弘載酒過。黃封注花骨。白雪遍秋坡。

其三

滿種黃金砌。分栽白玉堂。何曾隱嵯壑。始得傲冰霜。
重過天生橋

江上遊龍跨水濱。江頭有客俯龍鱗。乘冰卽渡翻思漢。鞭石無成却過秦。每恨流波沉合璧。何妨濺沫起

芳塵重來不盡朝宗意。馬首秋風又憶尊。
水入敝岯飄亂絲。水邊樓閣對撐支。銀疑月窟曾遊
處。鍊憶羅浮欲往時。半世生涯雲共懶。三川風雨客
行遲。凌霄鴻鵠寧無志。不在題橋便有詩。

寄雷劒東蒙自明府

四首

隔別經三暑。江山隔萬重。音書無處達。夢寐有時逢。
雲滿垂堂竹。風傳倚澗松。茂陵多病后。近日更踈慵。

其二

素節秋懸玉。清時劒滿霜。驂驛千里遠。鵬鶚九天長。

柳繞陶潛宅。花垂潘岳堂。澆花并灌柳。暢茂卽甘棠。
其三

何日傷潘濬。今朝憶作吾。九原如可起。三徑已先孤。
向秀非聞笛。王戎偶見壚。哀歌不成調。撲筆夜啼烏。
其四

憶爾同金錫。憐予飽桂芝。年華芳草識。心事懶雲知。
席上談雷劒。花邊接董帷。牂牁何日到。好去慰相思。
寄贈董麟山徵君 四首

久知傳鳳藻。無計到麟山。日月淹滇海。鶯花隔劒關。

君應能出世。我亦似偷閒。安得生雙翼。相看結九還。

其二

王猛長捫虱。東陵早種瓜。鳳琴時掛樹。鴻寶漸成砂。自古仁人壽。從來趣者嘉。忘機無一事。隨意插三花。

其三

有子承家學。之官得令名。丹心明白日。清議在蒼生。五馬迎春出。雙旌拂曙行。文翁俄頃化。比屋接絃聲。

其四

我屋瞿唐峽。巫峰面草堂。偶將愚喚谷。長以醉爲鄉。

水侵蒹葭落。風催鴻鴈翔。此時應憶爾。憶爾答瑤章。
許象洲元戎于梁山曾許仙茅久不見惠詩以
速之

天邊有客饋仙茅。爲是施州滿近郊。幕府曾云千里
寄仙家。虛冷六丁庖。鳩鳩春盡呼榆莢。謝豹花深掛
柳梢。極目不知何日到。長歌幾度塵橫敲。

廖對峰以設館至梁踰年而露化其子齋泣至
山堂照骨之貧余愧不能大助也詩以哀之

稿席家千里荒山土一堆。廖融知夢死。仲蔚爲貧來。

雨急茗華落春殘謝豹哀麥舟深愧爾相對淚盈顙

寄贈朱最峰少府

三首

何時牽別袂此日已初冬夢久飛都歷歌曾許最峰
緒風催北鴈玄霧暝長松偶值梅花使題詩對石淙

其二

往緣驄馬使曾度白鷗灣酒自金華饋詩從刺史刪
雲留龍洞古月戀兔亭閒不得相長嘯于今有厚顏

其三

滿地皆芻牧如君亦道流一官成矮屋四野盡清謳

水落蠶叢國山銜白帝樓訟庭公事少應不廢詩鈞

壽郭夢菊太府

四首

匹馬蠶叢長杜蘅三巴草木亦知名風高赤甲堅仙
骨月白瞿唐洗宦情竹下有懷歌短句斗間無計祝
長庚培持國脉須難老九里于今潤帝京

跨鶴携琴道氣全不穿羽服亦天仙想應金節分今
日會有銅人話昔年蒲野兒童皆犢佩或時簫鼓雜
蒲鞭眼前無限長生樂肯向喬松更叩玄

玉盤銀燭紫霞杯甘雨和風壽域開四岳已知添一

歲五雲從此護三台管寧性懶空穿榻范曄思深爲
折梅淪落無成長潦倒留連何地足追陪

叔度人歌來已暮彭宣長憶不相隨江之永矣斂波
濶室是遠而鴈字遲灌甕病多頻命酒報瑤情切又
敲詩開籠放雪知非事見月披窓有所思

禽言 四首

割麥插禾禾老麥將枯公家還欠去年租敲門打壁
日夜呼縱有禾麥依然無

乾柴水滴滴燒又不肯燃大姑罵食遲小姑得食嫌

但願姑嫁與公府。朝朝暮暮列鼎釜。終身不知此辛苦。

哥哥弊酒醉。嫂嫂扶回去。小叔小叔苦奔波。東封西祀。髯雙鰭。日往月來疾如梭。料想前頭壽不多。不飲不飲奈爾何。

作恠作恠。人皆求富貴。爾獨學聖賢。學聖賢有何緣。蔬食水飲曲肱眠。自稱快活自稱仙。學聖賢有何緣。作恠作恠。富貴誰不愛。

秋風辭

三首

父存日疾痺經秋風多呻吟感之哀而賦此
秋風號兮如裂布我父風痺艱行步而何一往長不
寤天寒日短時將暮欲往從之天無路黃雲慘淡鳥
啼樹肝腸摧斷誰瞻顧

秋風號兮歲云徂我父風痺誰將扶生兒小時掌中
珠及長南北走紅途烏生有子反知哺我生糞土不
如烏縱然有子依然無

我生我生空朽腐今夕何夕納塲圃日往月來箭到
筈兒與父兮成今古丈夫生不列鼎金死後椒漿竟

何補兒哭父兮哭聲苦父不自知臥黃土

與太空禪僧二首

暑逐秋林一葉紅。亂藤高竹起西風。六街燈火人家靜。閑與山僧說苦空。

我坐虛堂皆向實。君長抱影着空多。紅塵要識能爲主。秋月澄江映碧沙。

蟠龍對

酬王我齋問蟠龍之作

若有湫兮乃在魚復之國。蜃叢之東。劒閣周遭十萬重。上有娥眉新月照羗戎。水輪鬼魄藥杵紅。下有雲

鬟十二鎖芙蓉。瓊裾玉佩搖玲瓏。雪絲嬈嬈墮淙淙。
化爲象馬奔入馮夷宮。生綃一幅懸太空。影入吳淞
越漲處處不敢生。山峰郢客一見心怱怱。捫蘿攀蒼
揆昏夢。鞭煙撻霧入層空。六月六日生嚴冬。金鷄赤
日翻無功。銀鈎蠶尾投幽甕。大叫洞中蟠者龍。羣龍
今天上。爾何爲。今山中。滿腹雷霆噴不露。爾獨忍。今
塵世之疲癯。我欲以爾訴玄穹。金書玉簡起爾躬。興
爾雲。致爾雨。頓令八埏九野春融融。倏然幽壑水如
舞。吳二怒號捍強弩。排蠓旌。今張鯨。斧揚天桴。今伐

河鼓倒銀漢。今波咸池搖地姊。今撼天姥。似與郢客
通言語。六幕昏黑不知所。夜來夢入龍之山。別有仙
境非人間。瑤樹琪花團鶴馭。丹沙雲母護仙關。仙童
侍者鑲朱顏。吹風捉月弄銀灣。客亦因之入縹渺。扶
桑赤處羲和曉。東視海水青玻璃。區區五岳彈丸小。
安期浮伯幾輪迴。俛仰塵寰多草草。信知凡龍出世
間。啄腐吞腥空自老。一聲天雞江月杳。啼醒浮生夢
未了。真耶夢耶兩不知。坐見晨星三五橫秋嶠。

答贈董麟山徵君

四首

對酒知無地。相思隔幾山。江遙淫預石。雲斷木容關。
已識珠璣綴。空瞻花鳥閒。殷勤寄滇月。去矣好重還。

其二

好句憐飛玉。奇思信剖瓜。十年聞大道。九轉見丹砂。
冲淡能爲主。文章自覺嘉。隋宮饒豔麗。雕刻不成花。

其三

高士曾成傳。循良近有名。古今雙美少。橋梓一時生。
巫峽洲中立。碧雞巔上行。水清山更峻。觸處得謳聲。

其四

溪上茅爲屋。天邊玉作堂。有時開竹徑。無意盼仙鄉。
每覺韶光轉。閒看燕雀翔。平生書畫癖。應笑米元章。
長。不畏鸞枝覆綠苔。

○種竹

一曲清溪擁月臺。幽篁處處帶沙栽。春風但願兒孫
送董願庵廼叔還滇

鳴雨虛堂淨桂枝。西飛一鶴譚仙姿。大蘇雙鑠松筠
日小阮風流竹馬時。錦水秋生三峽早。彤雲客過萬
山遲。還家莫道官囊薄。賸有幽人贈別詩。

答王晴川

偶憐芳草賦胡麻。爲占溪鷗一席沙。雲本無心常出岫。鳥如迂客愛啼花。豈因肱折醫方善。未必裙書字始嘉。金馬玉堂俱可隱。莫猜巖戶桂叢遮。

馮溪子

五月山中溪水長。樹杪百泉飛滉漾。怒濤赴壑助松聲。白日魚龍成颺颺。溪邊布栽日催耕。溪上貧家佃作生。瞋言彊以須臾負。鉏笠朝朝天未明。生涯飄薄惟破釜。風雨留連薪作滴。大婦斫竹小婦春。折莧煮

糜日已午，田中健兒怒飯遲。兩三赤腳隔江湄，欲向
平橋路已繞。捷溪咫尺卽茅茨，解衣調笑方移步。未
到波心先失足，難言白冰卽玄壚。綠波信是黃泉路，
大婦小婦奔溪前。淚滴溪沙沙亦穿，晚來水落溪頭
石。夫君歆傷石床眠，單衣敝席封淺土。眼前酸惻生
今古，前山一夜風雨深。幻形依舊棲水府，憶爾當時
去住情。壯心視彼康莊平，預知河伯權生殺。誰能慷
慨赴滄瀛，人生知進須知止。水災原向火心起，浪言
鬼母哭輪迴。人還靈活溪水死，忙裏幾番失脚來。世

間萬事類如此君不見村中馮溪子朝唱竹枝暮蒿里
雜興

十二峰之杪上有異人莊諸山盡古貌風致近陶唐
周遭數竿竹朝夕奏琳琅望中練布泉白壁掛滄浪
中坐一癯翁雙瞳搖電光飄飄雲漢間泥塗罕人荒
偶因採藥去邂逅此相羊長跪前致辭此恐是仙鄉
願授長生訣永侍左右旁翁云我非仙致身等尋常
世上有丹青染之令人忙疰病最難醫六鑿紛徬徨
翡翠與文豹豈不美文章顧以毛羽故翻以毛羽戕

我本素心子。衣服搗玄霜。頭蓋不我青。腰帶不我黃。
絮袍不我紫。玉佩不我蒼。樗散與世違。卜此聊相將。
朝朝斫黃精。服之比瓊漿。山海辭灰劫。我壽猶自長。
世人啖炎火。不敢索此嘗。緣此自慄慄。視我如鸞翔。
浪說有神仙。羨門及紫陽。稽首受斯言。欻然起瞢眈。
語訖忽不見。雲深路渺茫。

、溪上春興

十四首

春草年年綠。春山處處奇。落花如有意。流水本無知。
窈窕青霄客。鏗鏘白石辭。殷勤寄猿鶴。正是舞雩時。

其二

種竹不計个。結茅只數椽。乘閒將句覓。覺懶抱雲眠。
歐冶原無價。鷦鷯別有天。從容無一事。祇恐易成仙。

其三

獨此溪邊寂。兼之野興長。山川疑島嶼。人世近羲皇。
有客來花塢。移尊傍石牀。朱絃寥落久。三嘆對宮商。

其四

三竿兩竿竹。一寸二寸魚。此會堪棲鳳。年來可贈書。
莊周空往貸。衛女莫欷歔。拾得羅浮種。應歸渭獵車。

其五

一髮青山遠。孤亭黃鳥鳴。煙霞春睡足。風雨夜燈清。
謝眺詩多麗。羅含菊又生。祇緣樗散便。不是爲逃名。

其六

草綠黃芽浦。春歸白鷺灣。四休堪住世。三徑可怡顏。
王烈終思石。圖南只愛山。清風還繾綣。來往打柴關。

其七

雨後山如拭。春殘興覺饒。小橋浮淺水。曲檻護深條。
江海孫登嘯。樓臺弄玉簫。幽人得真境。不在馬蹄遙。

其八

衡門多閒寂、溪木更蝤螻、世故憑黃髮、生涯傍白鷗、
江淹何事恨、杜甫爲誰愁、一笑無勾管、終朝看水流、

其九

到處心俱泰、尋常興亦奇、花容勾酒膽、山色瀉詩脾、
海宇昇平日、春風獨樂時、前溪有芳杜、歲歲寄相思、

其十

孤徑幽通谷、三山翠作堆、鳥非緣客喚、花似爲人開、
陳繹將書至、山公載酒來、翻因車馬到、踏破一灣苔、

其十一

春事亂如麻、春山背郭斜、雲屯千樹鳥、鼓吹一池蛙、
我愛陶弘景、誰傳蔡少霞、何時通脫屣、相與話河車、

其十二

氣壓豐城劔、光堆合浦珠、我生隨白幘、花鳥卽青蚨、
尋壑非詩引、登山藉酒扶、六橋今夜月、千載照林逋、

其十三

看竹雲生屐、聽泉柳轉鶯、古今行步遠、風月擔頭輕、
藤鼠知年齒、醯雞識利名、人生鷗鳥共、達者可忘情、

其十四

廠幔催清曉，看花媚夕卮。
芰荷初有服，春水正宜詩。
啼鳥通人意，懸蟲似釣絲。
原來彭蠡笛，不向世人吹。

贈小溪

疊翠堆奇自畫屏，小溪欹石錯繁星。
一灣古水今生綠，兩岸長楊短着青。
崕壑雲常連豹霧，柴門戶或浸鷗汀。
相思記得曾溪畔，風捲松花兩汀萍。

杪秋有懷郭夢菊太府輒賦五言十二首奉贈
兼酬佳句感時陳抱并見乎辭

許國投龍劍、排雲叫鳳墀、徙薪憐獨苦、梳髮已多禿、
補拾羣蟲識、丰標白獸知、姚崇陳十事、唐室杖安危、
公曾上時政疏十事

其二

白日携琴鶴、青霄刷羽毛、龔牛來海甸、韓鯉去江濤、
夔地三分土、耕夫一半刀、峽中藤蓋屋、往歲幾家逃、
其三

落木鴻初到、褰帷菊正明、秉衡時有待、典郡歲仍更、
地闢劉封井、江深白帝城、文翁多化雨、肯讓峴山名、

其四

每讀夔門稿。燈花報夜分。已看奎壁燦。轉覺蕙蘭芬。
象馬蟠江月。樓船接海雲。偶然生異興。應更著玄文。

其五

玉露垂愚谷。金聲擲草堂。體裁欺鮑謝。雅調入宮商。
雀噪空爭樹。鸞鳴必向陽。自知折襪線。無計闔絲長。

其六

落手煙花熟。迎人水月圓。看山隨展到。得酒恣褻眠。
譙秀甘遺世。桓譚獨信玄。于今千載下。巴國見遺編。

其七

午夢殘金馬，秋思入玉琴。
楓楠千樹曉，鷗鷺二灣深。
魏闕瞻如昨，蘇門嘯至今。
鳥花知我意，拉我到青岑。

其八

吾道松梅淡，年華鷓鴣啼。
空能懷鮑叔，原未見祈癸。
月落峨眉淺，雲迴灩澦低。
江湖多少事，憂處盡情題。

其九

捫蝨淹三徑，騎虹憶十洲。
丹砂期熟鼎，白髮欲生頭。
自愧非高士，多應負細侯。
清風吹杜若，咫尺隔仙舟。

其十

不是厭輕肥，何曾住翠微。
龍神應沛澤，鶴野故驚飛。
渭北春花晚，山陰夕艇稀。
五雲多處望，一望一瞻依。

其十一

秋杪綿衣薄，窻虛竹圃斜。
懷人驚白露，寄遠折蒹葭。
飲線期無地，書裙思轉賒。
交神偏入夢，入夢筆生花。

其十二

瞿月流三峽，巫雲掠九霄。
江山遺此勝，感遇幸今朝。
陳榻應知設，袁扉不用招。
春波如媚眼，便去放詩瓢。

寄傅志宇

三十年來見大家。而今對客賦蒹葭。溪邊飲酒天將
午。竹下懷人日欲斜。已識門前栽五柳。豈無頭上插
三花。諸兒剩有蹢躅樂。肯學迂疎漫種瓜。

寄胡麗吾

與客相逢問麗吾。書香喜又見韓符。十年翰墨三都
賦。一日功名五百呼。笑我間中多酒債。知君忙裏少
詩租。何時得遂山陽願。醉臥松根月半梳。

登彼篇

示諸公

登彼日觀峰兀然掃石坐雲霞爲佩裾金玉爲咳唾
下視紅塵人盡爲紅塵縛方着紅塵衣終以紅塵破
登之欲如何獨馬不用馱我馬如玄黃依舊紅塵臥
君不見人間擒龍打鳳仙連山爲琴黃河絃

贈別唐漢田

黃葉紅亭秋可呼賦詩贈別泛屠蘇望中鄉國三千
里坐裏樓臺十二孤官冷應知餘苜蓿時清何必話
頭顱文翁化蜀今猶昨不在談經與剖符

向雪亭見訪

七夕銀河暑未收。馬蹄底事不相留。風塵憶作秦中客。蹤跡須知水上漚。茅屋石牀三伏冷。黃柑紫蟹五湖秋。雪亭想在山陰畔。得興還撐訪載舟。

不不歌

齊奴婆娑矜豆粥。堆屋黃金三萬斛。金張舊業何龍從。兩宮雙闕帶千薨。千薨萬斛應難托。薜榮朝開莫還落。太山神女嫁西瀛。地黑天昏風雨生。須臾鴈鶩呼寥廓。白衣蒼狗一時平。翻愧焦螟巢蚊睫。自來自去了無聲。爾何苦英雄自古無常主。爾奈何鳳沼原

來卽雀羅不不歌不不歌何須浪飲下都護嘗破春
情不在多君不見瞿唐來矣鮮種松千尺種柳短

雜興

鯢魚插高樹光華滿樹摧焚膽偶封塗春意一時回
莫言灰已冷吹之猶可惺惺時還灼爍烹葵及調鼎
枯絙聲百折溪柳高千桮天生此物有何心長與人
間管離別焚香告天與天盟願天此物不須生翛然
無事茅齋下萬山松子一溪蘅

欲遊岱岳孔林先寄楊作吾

泗水自縈青帝麓。尼山遠護聖人家。龍驂碑碣蒼松
古。鳳德宮牆老桮針。歲月空驚懷蕙圃。斗牛應冷舊
仙槎。而今地主歸龐統。幾度飛揚醉莫花。

林明府以外艱還秭歸別之以詩

四首

半是圖書半是琴。蒼生盡憶秭歸林。武城惟有絃歌
在。一曲相思調轉深。

三日歸程八月槎。昭君村傍水之涯。朝雲暮雨思君
夢。夢到村中第幾家。

此出多應忠孝來。來時懽笑去時哀。春風一日吹芳

草。乘月還登郭隗臺。

不識相逢到幾時。明年南岳是佳期。夜來去閱瞿唐集。還少三遊洞裏詩。

金山堂成憶昔篇一百韻呈莊明府

憶昔遊玄圃。相看貫白虹。唐科龍虎出。虞黻鳳麟同。海嶽開秦甸。菁茅入漢宮。祇台思夏后。壽考憶周豐。野鷺皆登俎。秋蛇亦入壅。隋珠常並燕。楚玉不遺璵。禮樂遭昭代。琅玕有匪躬。咀華金窈窕。麗藻玉玲瓏。紫電水千尺。紅綃霧幾盅。鄧林材共梓。崑頂石俱紅。

顧以親垂老兼之病益攻江湖家獨遠風雨鬢雙皤
比關心徒壯南陔志未終傾葵時耿耿拾樵更忡忡
芳樹憂鵲鳩甘霖或蟬螻跳丸虛宇宙穿屐倦龍從
傾國媒如在連城價自逢知章心久破杜甫耳非聾
也覺鷹非鷺難言豹即獬魚因緣木拙兔爲守株悵
雜縣愁金奏羸鴛畏錄幪思鱸秋有約倚馬夢空隆
擊唾誰千里逃禪且六蟲燕關雲慘淡灑潁月朦朧
未展千時策長看入午銅回腸頻轉轂歸路疾飛駢
緣此投三峽無由見九嶷陸通還入蜀种放復居嵩

去去時非晚蒼蒼勢本穹往來真泡影斷送賴醺醪
草歇劉郎綠花殘白帝紅峰高遲鳥翻溪漲疾漁舸
木客千枝月鮫人一荻風陸渾山萃律頽濮水冲融
徙倚還荒徑分明覺轉蓬羅含環宇菊靖節候門僮
夜雨追姜被霜蹄恍鮑驄衣存游子線壁掛嶧山桐
母飲猶堪占隣漁金饋聚逡巡藏滑澁次第摘蔬松
共道家非國誰知孝卽忠百年惟菽水三釜付龍涓
豹未文章顯鳥先羽翼翀蓼莪原不讀寸草已微功
自識成蒿蔚人傳近渥澧屠蟠依薜荔顏闔友獐狍

出處今人事陰晴造化公天高憑雨露地濶任西東
打麥成茫昧乘槎總鑿空豫樟非杞棘鰭鱗卽鯨鯢
黃紙灰應冷青精意轉烘平生慕山水真似困饒餘
旋架崖根屋還栽石竇稷園應疑向秀宅亦近楊雄
蕙徑中封蘚荆扉不剪茺清泉隨意活脩竹自然蒼
霞氣侵桃樹煙氲入桂叢鳥孤穿葉密蝶弱撲花豐
石瀨徘徊抱溪田宛轉通差參成曲巷高下隱迴櫳
青眼輪輿寂黃昏社鼓鼙是山皆得髓靈藥已成瓊
草木俱仙品年華度褐綈曉風清枕簟暝色黯杉楓

地僻偏宜懶文豪欲送窮山光分几席草色帶涇濛
仰面星辰濶低頭杯斝饒臨流頻濯足入谷欲披緇
松館時邀月山尊或吸甯一聲成浩浩萬事忌匆匆
散髮飛孤鵲聽泉對野蕙酒醒風入榻客到鶴開籠
坐臥依雲氣行歌答阜螽抱雲眠自在浥露飲鴻蒙
尋隱長題鳳逢車偶夢熊晚成園種漆鑽火木穿硃
覓句隨髭斷翻書見蠹訐娑娑真婉孌雕刻覺螭螭
寄遠聊扳抑吟多欲截筒悲歡塞上馬心事楚人弓
談笑天隨子從容桑苧翁行藏歌杜若日月佩芙蓉

始覺茅齋下悠然太古中青山真屬魏白首始招馮
笑我探奇早看誰鼓瑟工天邊摩漢鵠枝上囀春鷓
刺啄隨時至沈冥覺自冲溝中同作斷肆外莫遺葱
尚友慚孤陋論經欲拆袁蛟螭須爛嚼境堦漸消融
自後卑鉛槧知應惜燕鴻坐多塵到履靜久螳喧聰
數定生隨薄時清道未崇鶉蛙看幾變薇霍不求充
單父先投餌東阿可卽戎閭閭宜愷悌絃誦到疲癯
花柳知潘岳丹沙識葛洪冠裳頻懇懇車馬下恹恹
圖報先知劣師資未覺曹有詩呈茂宰無計獻重瞳

殘燈

殘燈將欲滅欲滅更揚輝
遠思有沉吟披書寄翠微
覽遺事

千金買參朮珍藏藥之圃
豈知敗鼓皮翻治腹中蠱
與朱雲石

媧皇善補天西蜀天還漏
精衛能填海海水愈奔閼
人間不斬老葛藤白日依然生棘菽
紫陽崛起五峰巔雲石溪邊牢結構
我曾深夜話蒲團欲往方舟不可又
怪爾老狐精枯木嵯前春復春千年萬年作人

語翻與人間話。生死話。生死迷津深無底。三月浪高。
魚化龍。痴人猶尋夜塘水。吁嗟嗟。咫尺成千里。卻人
之子已往矣。江浩浩。雲漫漫。明月蘆花君自看。

答雲石天人篇之作

莫謂天時至。難言人事多。一心輕道路。萬物任風波。
枕上羲皇夢。花間擊壤歌。岸頭有真興。舟楫竟如何。

福利道人

福利道人宅三畝。壁間文字多蝌蚪。山深無曆不知
春。只問花開花謝否。

春風辭

三首

春風起兮花殘我有美人兮江之于三年不見兮路
漫漫遠莫致兮贈木難歲崢嶸而將莫心惆悵而轉
寒檻宿莽兮舉幽蘭指九天兮我心丹願及榮華之
未落兮騷玉鸞何時見我美人兮使我終夜不寐起
長嘆

春風起兮花飛我有美人兮江之磯三年不見兮路
崢嶸遠莫致兮贈珠璣駐雙樹而漸遠望九關而多
遠飲墜露兮餐落非柳昏花暝兮我心悠願及年歲

之未晏兮駕玉駢何時見我美人兮使我終夜不寐
轉欷歔

春風起兮花落我有美人兮江之閣三年不見兮路
沙漠遠莫致兮贈金錯日宵宵而下山花飄飄而漸
舊佩辛夷兮結杜若不我洵知兮我心膺願隨風雲
上征兮跨丹鶴何時見我美人兮使我終夜不寐轉
蕭索

黃令長枉山堂謝之以詩

三首

紅泉翠壁繫漁艇簪笠蒲團對薜蘿笑我著書耽歲

月看君學道見絃歌花間兩久人來少郭外春深野
燒多不有明公能折節輪蹄誰到白雲窩

福利峰巒接漢齊蠋廬嶠岨枕峰西青松帶雨蒼蚪
濕白石籠雲謝豹啼汲黯有才長臥治陸通遺世費
招携此情惟有嘉榮識酒自清清唱自低

相逢把袂識循良潁水當年亦姓黃三徑未曾傳竹
葉四郊先已種甘棠綠綺見客音偏雅玄鶴逢人喚
更長野外不嫌多閒寂秋高還過白鷗莊

黃廣西人安靜悃悃不事粉飾雅有古循良

風蓋非俗吏可比也宜民之情見乎其辭

江邊送劉環溪

琉璃亂潑江之潄拄杖携壺坐夕陰十載構思非我
事千緡何必買胡琴浮生窮達此江水須識流行與
坎止古人風節重于山東帛安車猶不起臨川郡守
癡不癡却爲維摩剪美髭一身榮辱且不惜木雕土
塑欲何爲爾脚長年登兩室授得羣真龍猛筆有時
點石成鎔鐐萬里長空翻海日誰言錯識南華來黃
金世上豈無臺退之花前將醉倒獨子不樂何爲哉

壽黃石崗

與君未相逢時飛玉屑搖玲瓏與君時邁會正值蓬
弧開玳瑁君本官中仙一簾秋水坐青氈我亦十洲
客暫到人間看古雪古雪古雪化作珊瑚巵奉君祝
壽輕君肌脚踏黃鶴背身登崑崙池摘彼長沙星將
此白雪辭辭古調高筆如掃萬年回視塵寰小

招張仙歌

三首

世傳張仙化而爲龍余以萬物莫人若也作
歌招之

張仙不歸兮春復秋山空兮風颼颼草木夾道兮白日
赳赳石齒齟齬兮刺鯀膠欲登兮不可以騶欲涉兮
不可以舟君不歸兮夷猶

歸來歸來世有仙人兮別號瞿唐左宮右商兮春風
日日吹琳琅歸來與仙人兮製辛夷之佩着芙蓉之
裳豐隆輪轅兮與二驪驕朝崑崙兮夕扶桑于將叩
天闔朝玉闕兮遨遊乎八荒一杓海水東蒼蒼喬松
天兮簷鏗塲

萬物惟以人爲主淒清無如水中若歸來兮都且甫

紫貝宮兮黃金廡斑螭髓兮素麟脯琅玕一曲兮衆
仙起舞拍肩蕭史兮哈河鼓長嘯片時兮塵世千古
歸來歸來兮都且甫羗汨汨乎淒水府

看水篇

天地如棋盤萬物盤之子拈据于其間利害一時耳
五帝信手拈得失等敝屣自三王而下以力不以理
中原鋒鏑場爪牙張虎兕戰血流于河河水年年紫
白骨化爲工掘土還成壘其間澆濶爭鹿鹿不可指
尺寸確蠅頭多于慕羶螳原來陰陽氣揉雜相因倚

二氣迭循環勝負長不已有春必有秋有生必有死
有晝必有夜有終必有始有王必有伯有惡必有美
有尊必有卑有冠必有履有巨必有細有經必有紀
有華必有夷有粟必有秕有成必有敗有此必有彼
有治必有亂有泰必有否有吉必有凶有表必有裏
有通必有塞有張必有弛有晦必有明有遠必有邇
有強必有弱有憂必有喜有往必有來有行必有止
有長必有短有譽必有毀是以勝負場亘古皆如此
氣數之必然豈人所可使我亦常觀化幾入紅塵界

打破古今事一笑而已矣。懶到棋盤中，搬弄爭我你。
却立棋盤上，閒看浮雲起。有雲飽看雲，無雲看流水。

寄劉洞衡

十載支離久，三秋夢寐長。江山巴國樹，鶴鶴楚天霜。
詩作蛟龍吼，名應燕燕香。南來有春鴈，何日度瀟湘。

秋夕

積雨空堦濕，秋山反照多。鳴蛩知慘切，落木更如何。
白酒時澆菊，青衫已剪荷。遽瑗思寡過，慷慨欲揮戈。

寄楊印峰

梁州桃李已成梁鶴迹還遺愧竹堂此日三巴翻教
授他年七里峽名頌甘棠無情塞雪連心冷有意江
梅照眼香却憶草玄珍重久新詩不過野人牆

康村

紅樹千峰遠青溪萬壑卑沙虛脩竹短春淺落花遲
水石平分處漁樵問答時鳥聲長一嘯似欲慰詩脾

寄林子二首

不見林生久悠悠未可期方秋來入夢無地去投詩
梅福傳書日程門立雪時于今二十載鬢髮各成絲

迢遞遺雙鯉虛徐又九年秋生魚復浦人憶碧雞巔
有客三刀夢將書萬里傳孤山多刻意我亦愛逋仙

白崖道中遙寄楊雙泉

十年杯酒龍宮日三月瑩封馬鬣時郢曲漸忘投去
調梅花尚憶寄來詩王猷未見山陰面蔣翊寧忘竹
徑思已許瞿唐今夜月百壺同醉刺桐枝

笑吟

夢魚卽豐廩夢棺卽剖符笑我不浪夢一枕盡虛無

其二

大釣鯨與鰲小釣蝦與蟻笑我長持竿只釣寒潭月

其三

吹笛可成佛吹簫可得仙笑我懶求吹只撫無心絃

其四

侔車以行山杼車以行澤笑我只輕車處處皆阡陌

答楊郡博

二首

伯起談經日橐駝種樹時三巴稱政教五典賴君師
笑我長多病逢人每見遲秋風吹落木無賴自題詩

其二

斑斕堪製服麋鹿遂相從白日嗟河伯青天問火龍
農家誰比櫛歲序到寒蛩莫謂巴川漏媧皇已補縫

題贈東明禪僧

二首

寺下長川淨夕暉寺邊高竹帶霜飛登堂便覺僧家
靜得句翻思遜者肥空寂不妨通短刺相逢還欲借
禪衣明年共約登衡岳坐看冰簾捲翠微

一幅蒲團百尺竿眼看孤鶴度高寒流雲時潤松間
石薺葡萄長依月下檀浪說幻形同土偶誰將好句比
琅玕陶潛性懶多耽酒白杜從今莫素餐

寄朱懷陽兼問慎所

二首

易水探春日夔州友棹時相違無半載悵望起孤思
積雨空林濕寒花小徑欹幽居無底事料得故人知
其二

彩筆題青嶂長歌問紫陽投詩將縮地無計可登堂
千里家非遠三刀夢亦祥王褒吾憶爾溟海隔微茫
寄石峰

積雨江村水帶沙懷人長憶隔蒹葭晴霞遠遠紅將
飲崖竹森森翠欲斜白髮何曾嫌貴客青峽原不戀

貧家細推物理堪成笑對酒當歌看莫花

雜言谷楊計部

種樹不可兩兩樹難並株兩傍枝若彥中枝必定枯
欲纏萬貫錢難駕楊州鶴欲駕楊州鶴不得冲寥廓
蜀地無窮山吳地無窮水天公怒不平取彼溪均此
剗風吹不去精衛填不起世界本缺陷天亦不得已
輓馮孔崖

杖劍平生識者誰風流慷慨亦吾師丹沙曾覓三千

里黃閣空傳十二宜

曾奏十二事宜

身居馮唐知有

子眼前郭泰豈無碑百年回首成陳夢落日寒煙起
笛思

答郭夢菊督學

交因澹泊成詩或江山助君昔過螭龍擲地天台賦
芳訊飛瑤華妍談發珠樹鱗以明月光潤以金莖露
照我養病顏息彼求羊痼笑非採秀姿兀坐空山霧
譬彼欵段才已甘長鳴舁久無伏櫪思翻成伯樂顧
蘭若覆春洲金虎違秋度嘯傲一枝巢絢邈千里路
河廣川無梁無由忤情素豈識朱鸞翽還驚飛練兔

鄉耄集莊馮歌滿舊時袴文旆指巫陽桃李沾脩注
其中圓方流嫪此亭亭璐子衿江南吟終失邯鄲步
鷓鴣叫日華虞淵不肯住百年瞬息間多因牽世務
因風洒短箋願託雲中鵞何時羅浮春慰此江東暮
送王我齋

馬蹄行色帶秋清事業河汾舊有名六載鱣堂多化
雨九霄鵬背快雲程題詩想過滕王閣懷古知登白
帝城我欲匡廬尋五老琴尊何日話平生

龜雖壽

贈張北村西遊

古樂府龜雖壽辭中有老驥伏櫪志在千里
烈士暮年壯心不已之句故作此贈之

白雲如遊龍青松如翠蓋松風撼游龍化作文犀帶
俯仰天地間莫只學自在嶠然一粒碧霞丹倭儻肯
當落英食浮楂一日天孫杵便欲抽毫獻治安工部
因詩方寓蜀步兵爲酒去求官釣璜物色礪溪石鼓
刀未必老江干吁嗟嗟男兒名重大山身如葉蓬蒿
慷慨鬚頻將幾迴脩况歎餘音流水高山長嘖嘖魚
腸遇雨作龍吟縹緲人抱干時策仰天長嘯太宇寬

醉後歌殘唾壺缺君不見臨邛渴病老文園也犯逆
鱗去諫獵

送古建吾

君不見河東守前者稱賢後者否一片昭華在眼前
秦珉燕瑀隨人口又不見劉連州玄都觀裏再來遊
種禿道士知何處一笑從前看蒯緱古來賢達知多
少榮名一念都難了譬如去上岫巘尖蘓蘆綻蘿只
到杪標巔一望地位高猶恨致身胡不早假令山腰
可了心銅虎銀魚已不小古人旣如此今人復何疑

况君礪砢世所罕倒傾蛟室愈瑰琦冰輪西晦東還
燦衆星捧上青琉璃一時翫被浮雲妬鬼魄蟾光竟
未虧完名好似黃丞相重來再去莫噓噓

有客

地僻忽驚千里客雲深長斷九霄鴻踈狂自識成放
叟尋訪誰疑是醉翁帶雨枯松橫淺水背人啼鳥隔
深叢風流却笑柴桑子一徑黃花滿甕紅

憶昔歌送楊大理還滇兼酬見懷

憶昔憶昔江草綠草玄之子抱紅正天東無人繫龍

足十年一別如轉燭長風吹送白雲曲今夕何夕到
空谷空谷空谷竟如何當日相看意氣多袖拂驪龍
珠能令起龍梭而君亦何爲亦復歸山阿我聞山阿
無如點蒼好萬里芙蓉開縹緲銀河日夜掛天表三
江五岳杯拳小瞿唐道人心已了幾欲乘鷺陵風矯
與爾同登十九峯之杪掃雪穿雲尋窅篠三千弱水
開池沼荷衣蕙帶冠裳巧蟠奩如斗瓜之棗一坐萬
年不得老下視人荒如秋草

蒼谷歌

爲王方伯題

長風漠漠起平陸，吹向蒼山入幽谷。
林薄蕭森落盡，圖中有異人坐厓麓。
憶昔異人正少年，走馬獻賦明光前。
飄飄凌空橫一劍，彈冠不謂囊無錢。
一朝翻然思甘旨，拂衣棄官如棄屣。
清時不敢掛冠歸，安石終爲蒼生起。
雲梢幢蔽下徐揚，烏紗白髮照滄浪。
原來宦海千年夢，白日慘淡悲風黃。
一時哭盡閭閻血，龍鳳有雛還踔絕。
總角之子解辭金，坐中簪組皆擊節。
江山荏苒春復秋，三十年來土一丘。
璧光有氣衝星斗，石麟無語傍松楸。
逝波一去不復返，蒼谷悠悠落

日短鬱紆景色尚依然花開花謝無人管獨存鐵石
舊肝腸化作琳瑯五色章還繫令兒思百折讀之我
亦神悲愴君不見男兒志裹革此言于今猶凜烈又
不見子柳賻布班諸貧今人那得如古人古心古事
今已矣貞文孝者爲誰子嵩山汝海渺不見碧雲瓊
樹空仰止

釜山堂成

松子投幃暮茅堂卜築初山深交誼少親老宦情疎
種核黃泥裏敲詩綠葉書春深多燕雀鳥亦愛吾廬

荅胡忠菴憲副

一秋閣筆門長閉。十步幽亭草未鋤。五柳先生方兀
睡。七松處士忽拋書。霜風菊蕊迎人笑。流水柴扉過
者踈。跨馬何時共尊酒。題詩掃石摘水蔬。

憶昔兒童花滿枝。而今蒲柳鬢生絲。十年雞黍何曾
約。兩地風流各自奇。虞氏著書知已晚。樊侯種漆未
嫌遲。芙蓉冷落秋光淨。水白山青有所思。

爲戀斑斕慣狎鷗。忘機事事淡于秋。千山未放盧敖
脚。一葉翻思范蠡舟。以我解彈明月調。多君來問草

堂幽歌成伐木無人和鳥自嚶嚶水自流

梅花

大造無冷煖孤根亦覺短自從嫁逋仙春官不得管
遊五岳還曹荔溪以詩見問用韻奉荅

不才天上誰來召有興人間且去遊携得月琴隨鶴
住惟無玉帶與僧留許多臺榭違君賞到處煙霞共
我幽乍起相思相見意吟魂又夢入渝州

重刻來瞿唐先生日錄

悟山稿

述悟賦

來子居太白山有年矣長惡此山與先達同名也一日跌坐其巔恍然偶悟作聖之學因述悟之所由卽以易茲山之名焉作述悟賦

嗟生民之綉綉兮統嫫嫫于乾幕紛齟齬于迴遊兮
靈萬物而綽約駁蒼蒨而續處兮鮮妍傷而絡絡時
登巢而極蠡兮與禽獸其相若苟萬古其如斯兮亦
惛惛而噩噩登太和于醇智兮疇長驅而短斲豈知

花蔣之索敷兮。羗有生而必穉。迄五龍之比翼兮。掣
太真而壅披。人方出而御世兮。鳳亦出而鳴時。物理
窮則必變兮。事入安而必疵。木方朽而殽耳兮。潛火
埽而生蠹。賊揖遜之奇核兮。忽虺虺而獭腹。偶宗廟
之生黍兮。欬嫫媿之生髭。違乾坤而作訟兮。化坎離
而成睽。鯨鯢遊於嶰巖兮。雷電震於溟濤。上塲而下
黷兮。霧三精而颺颺。天旣降災於阡陌兮。豈不殃及
於六籍。或身眇而臂輶兮。或強幹而弱枝。或火匿而
金曜兮。駟或因之而易。懷鴈翩翩而南向兮。水澤澤

而東下。蟬寥寥而無聲兮。木颼颼而飄瓦。天晃晃以
漸高兮。晷悠悠而西瀉。海塊塊而生塵兮。山沄沄而
律間。哀六鑿之湫散兮。冒真淳而賤假。齧齧衮之木
偶兮。亦如聾而如啞。苟衡輕而續微兮。慙顏冉其上
苴。倏緇銖其影撇兮。卽屯蟻而奔馬。詔羲皇之邈遠
兮。長永靖而遑遑。歎五臣之選虞兮。賡歌總理於一
堂。開群蒙于精一兮。降帝道於羨墻。如日月之中天
兮。至鄒魯而煌煌。誰臭味于風雲兮。應千載而鏗鏘。
豈斯文之欲殲兮。乃河清鳴杜之茫茫。志士當此日

今如臨河而無航。翠濤玉薤之精。今反覃味之激。痛
贊鬱藻之遇。剖剗兮。生意愈工而愈拙。豈珠翠之播
曳兮。卷鬢因之而不纈。彼揜揜夫苗之穠兮。洵穠粹
之殄。粲起鞢齊靡靡以進兮。何嗟乎大雅之縈消紛
欲迴江之洶。淑兮。弗尋嵒峽。涖坎之所繇。恐枝條相
次以茂兮。愈布濩而蓋族。況濛濛而瀟渭兮。決河漢
之堤塹。越駸邁以放波兮。如浮萍之溜。儻蹇余鼻于
乘釐後照兮。鍾玉壘之闢竇。乃生于旃蒙兮。月淵獻
而方授。樹鶴集于庭兮。亦如鷺而如鷺。欲長鳴于太

空兮。又如去而且就。越庚寅。吾以降兮。會日月之龍
。龍乃聽赤鳳來之曲兮。聲金玉而如扣。柰僊質之顛
。顛兮。負泰素之洪覆。恐修名之不立兮。揜六籍而漬
。漚助燭龍之謝電兮。望海岳而趨闔。攀胡繩以爲堂
。兮。抑揭車而爲囿。捏茵桂以爲棟兮。闕留夷而爲雷
。芳椒兮。丹堊。宿莽兮。結構。攄煌煌之繁幌兮。葑燈鑿
。洌洌之瀾灑兮。蘭甃乃製芙蓉之冠裳兮。又縷之以
。江蘼。恐馥烈之未襲。積兮。擗蕤薺而申之思。美人之
。遲暮兮。日與月而斥馳。冀螢閃之微媚兮。增兩曜之

洪昉望蹇修之憇憇兮。解璜佩而陳素裂。齊統成合。
歡兮。皎明月而爲嬋疊。秋節之焜黃兮。將酢醪而留。
連歡懷春之窈糾兮。嘆標梅而成婆。顧弱草之嫫姬。
兮。應踟躕于巖磧。知象虎而執試兮。長汀滢而酸慙。
何天地之無窮兮。多遭遇之齟齬。遘大人之末疾兮。
時與心而相阻。尊叔鵠之常歎兮。作驢鳴而騰嬉。彼。
次翁之行傭兮。且正轅而執綏。遇九折而迴車兮。愁。
蹈賊而蹇危。彼古人之賢達兮。乃垂青而勒紫。我今。
不及古人兮。欲踉蹌而何已。彼騰黃之超逸兮。邁絕。

足於纖離。受赭白之渥錫。今遭紅陽之已知。處濯龍
之華輿。今委紅粟之訑訑。余歎良之無良。今其邁邈
也。允宜感鳶鶴之昭鳴。今奮狂天門而繚繞市日域。
以翻墮。今飲瑤池而皎皎入魏軒。而嬉棲。今出夥園
而高矯。余翳蒼以棲息。今其如短羽之微眇。想像章
之麥麥而倭儻。今枝條荈楚而蒼蒼。臨臨峻之標巔。
今渥九秋之嚴霜。償冬官之掄抱。今走宗匠之徬徨。
高蘭宮之紫柱。今壯祕宇之文梁。余樛矧而痺觔。今
宜櫺楹於衡墻。嗟小星之衾裯。今胡必爲圓而利方。

強欲資啄菹以鬻翎兮。代留連於昏曉。匪塵路之僅
倮兮。乃蹠蹠而自撓。酌剛柔之吐納兮。識行藏之饑
飽。敢曰牛鼎之烹鷄兮。恣汁旱滂以自考。第藐然于
乾坤兮。敢委骨于腐草。如鳥視而禽息兮。終飲寥而
枯槁。慕玄訓于佳喆兮。惡滉汙而下流。思去住而儻
仡兮。安得駕邁乎前修。心霧憤而反悅兮。歟。冀茅以
捆謀。慎竈欣然而瞽曰。爰哉永發吉而無尤。生當切
椎名于薄海兮。殢必收玄藻于瀛洲。恐家食之匪嬰
兮。利飛敷而遠遊。蓋聞蟬蛻于躑躅之外兮。觥冥鳳

而相儔。應龍不吞腥腐兮。掠太清而蝸蟻如二物之
噍穢兮。亦蠚蠚而蜉蝣苟踞踈於埴抔兮。烈羲娥之
漸道。胡不耽靜宥於幽藹兮。坐晷北而悠悠澄靈神
於冲虛兮。緯與世而無求。庶斯奉信而不違兮。歸母
氏而始酬等太素而還無懷兮。坐風雅之瓊輶乃揅
元辰而戒憬裝兮。約親串之隱鵠。捫青萍而陸離兮。
飛冰霜於結綠。尋錦屏而相羊兮。踈褒紉之斜谷。趨
咸京而懷古兮。知昆明之劫灰。過豐沛而憂崑崙兮。
猶餘歌風之臺。乃聽鷄鳴於日觀兮。俯回鴈之崑崙。

窺徂徠之葱蒨兮。瞻丈人於碧落。歎七十二君之封篆兮。空漻漻而如削。懷漢武之雄畧兮。亦效秦之饒嚼。況唐宋之紛紛兮。胡不築臺而舞鶴。憶孫胡之攻苦兮。逢磻壩而投書。乃十年而不反兮。其齡戢而茹蔬。彼古人之愷勝兮。如躋華而趨廬。掛雙壁於東柱兮。醇芳聲於瓊琚。何我今之薨趨兮。如飮驕而飮驢。蓋纏牽之累千里兮。翻駘駘之不如。須抗志以煇煇兮。敢徬徨乎居諸。長慷慨而發嘆兮。輾轉中夜之籩條。紛吾旣遠栗里兮。何南北之儵忽。乃揚舳而越洞。

庭兮望祝融而馳突。覽紫蓋之瑤華兮舞雙鶴之迴
翔。越石困之礪磔兮對石室之青蒼。倂芙蓉之縹緲
兮忽練帶之飛揚。彼岫嶺之禹碑兮空字青而石亦
當時已。鳶鳳之飄泊兮豈萬年瑟瑟而崩芳。胡今日
之墨本兮傳蛇蚓之媚嬖。恐神物之珍隱兮有鬼持
而神搦。覩河洛而思禹兮讀禹貢而自繹。懼蒼水之
玉簡兮終茫昧而荒僻。彼朱張之同志兮乃酬唱於
嶺嵒。承學之在今日兮如秦榛榛之五諫。安得神交
而夢晤兮講道脉之迷舫。乃跼祝融而跂坐兮覩海

天之奔翼回風塵而一望兮。覺名桁而利泰思鳥舉
而龍騰兮。猱千里而如電。乃約安期。浮伯之襍乳兮。
從九坑而相娛。復泛湘江而穿巫峽兮。反釜山之蝸
廬。更不值同志之士兮。空嗟行於長途。乃日夕尋孔
顏之樂兮。長努力而加飯。或乍晴而乍雨兮。或入還
而出。奔偶雙親之見背兮。抱終身之套恨。遂剗酒而
剗腥兮。辭室家而倚廬。哀親之不得見兮。不覺歲月
之長徂。忽六年如一日兮。恍如已歿而復蘇。乃至甲
戌之暮春兮。草木總翠。散金而榮。藪偶登太白之巔。

今相留連而踟躕覺此絳宮之有悟今埤埤滴久而
融疎如飛燕之逐雲霓今華景崑崙而升轉又如飛
霓之離離今取一屑於耿爐始知學聖人者如百川
之觀海空見其瀕溟濶濶今汪洋而濯濯止羨其太
顛之貝隨侯之珠玻璃而非非况科舉之累人今皆
欲富貴之崇崇信乎人聖有坦坦之周道今人自恃
其伎倆而憤行也故曰道之不可也我知之矣